



06. februar 2023

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq atumuuna saqqummiuppara:

Naalakkersuisunut apeqqut:

1. Ilumoorpa Air Greenland A/S Kangerlussuarimi sulisuni ataatsimeeqatigisimagaat, qanoq kinguneqassanersoq, Nuummi Ilulissanilu mittarfissuit piareerpata, Kangerlussuarmilu Air Greenland A/S sulisoqarnissaanut qanoq kinguneqassanersoq?
2. Nuummi aammalu Ilulissani mittarfiit ammarpata Kangerlussuarimi Air Greenland A/S-ip suliffiutaasa amerlassusaasa allanngornissaat pillugit Naalakkersuisut piumaffigissavagut paasissutissat suut pigineraat nassuiaqqullugu.
3. Naalakkersuisut Aningaasaqarnermut Ataatsimiititaliamut qinnuteqarpoq ukiumut Mittarfeqarfiit A/S 105mio tapiissutisisarnissaanut, ukiuni 30 tulluuttuni qanoq ajorseriaataatigissava pilersaarutigisamiinngaanniit?
4. Eqqorpa Naalakkersuisut ukiumut 105mio Mittarfeqarfiit A/S kiffartuussinissamut isumaqatigiisummut aningaasaliinissamut, ilaatinngikkaat ukiumut 53mio Kangerlussuup aningaasalersornissanut?
5. Danskit illersornissamut, allalluunniit avataaniit, aningaasaliinerat kangerlussuarmut 53mio amingaataasut matussusissagaluarunikkit, suliffeqarfiit suut paariinnarneqassappat ullumikkutullu takornarianik mittoqarsinnaassava Kangerlussuarimi?
6. Kangerlussuaq aningaasalersorneqassappat ukioq tamaat ammanissaanut, sakkutuunut inuinnarnullu, taava qanoq sunniuteqassava inuiaqatigiinnut imminut akilersinnaasusaanut kisitsisinut tunngaviusunut Nuuk Ilulissallu mittarfissualiorneranut?
7. Naalakkersuisut massakkumut ukimut aningaasartuutigisassamaarneqartut Mittarfeqarfiit A/S, Kalaallit Airports International A/S aamma Kalaallit Airports Domestic A/S nunatta karsianut, namminersorlutik pigisaanut suliffeqarfinnut aammalu pisortanut allanut (soorlu kommunit) qassiuppat, qanorlu naatsorsuutinit allaanerutigaat pilersaarusionerqaqqaarneraniit, attartugasseeqqinnermiillu 900mio-inik?



8. Naalackersuisut suut pilersaarutigivaat Kangerlussuup siunissaa pillugu?

(Inatsisartunut Ilaasortaq Pele Broberg, Naleraq.)

Tungavilersuut:

Eqqumiiginarpoq ammanerusumik ingerlatsiniarnerarlunilu Naalackersuisut innuttaasut oqalliseqatiginagit, aningaasartuutissat Kalaallit Airports-imut pisortat aningaasartuutissaat qaffassimarpasikkamikkit.

Kalaallit Airports International A/S aningaasartuutissaanut attartuinissamut 900mio-inik tungavilersuutit kingulliit aallaavigalugit, attartuineq kinguneqarsimasussaavoq ukiumut 30-nut inuiaqatigiinnut 700mio-inik sinneqartoornissaq, Mittarfeqarfiit ukiumut 35mio.nik aningaasalersorneqarpata.

Maanna Nukissiorfiit aningaasartuutinik tigussilluni, saniatigullu ukiumut 105mio-inik Mittarfeqarfiit AIS kifartuussinissamut isumaqatigiissutaanut qinnuteqartoqarpoq. Tamanna annikinnerungaatsiarpoq ukiumut naatsorsuutaasunik 158mio Kangerlussuaq mittarfittut ammaannassappat. Tamanna naatsorsuititsivoq pisortanit Kangerlussuaq ingerlanneqassanngitsoq.

Qanorluunniit Illersornissaqarfik Kangerlussuarmut pilersaaruteqassangaluarpat, maanna paaserusunnarsivoq Naalackersuisut Kangerlussuup siunissaanut eqqarsaataat. Oqarluataarutit eqqoriaanerillu uninniassammata maanna paaserusuppara Naalackersuisut suut pilersaarutigineraat Kangerlussuup siunissaanut. Nunaqarfittut mittarfissuurtullu.

Ullut qulit iluanni akineqarnissara kissatigaara.